

RESOLUCIÓN REITORAL DO 29 DE XULLO DE 2016 POLA QUE SE CONVOCA UNHA BOLSA PARA ESTUDANTES QUE COLABOREN NA INTEGRACIÓN DUNHA PERSOA CON NECESIDADES EDUCATIVAS ESPECIAIS (SÍNDROME DE ASPERGER) NA FACULTADE DE CIENCIAS EMPRESARIAIS E TURISMO DO CAMPUS DE OURENSE PARA O CURSO ACADÉMICO 2016/2017

O alumnado da Universidade de Vigo segundo o establecido no artigo 100.d dos Estatutos da Universidade de Vigo ten dereito a beneficiarse das distintas axudas e bolsas que a Universidade e outras institucións establezan ao seu favor. A Universidade de Vigo de conformidade co estipulado no artigo 105 dos referidos Estatutos, poderá ofrecer ao seu alumnado bolsas de colaboración nos servizos de asistencia á comunidade universitaria como programas complementarios de axudas para cubrir as necesidades non atendidas ou insuficientemente atendidas polas administracións públicas; así como, bolsas de colaboración nos servizos de asistencia á comunidade universitaria.

Por isto, estímase conveniente a tramitación dun expediente para a convocatoria de bolsas, cuxa xestión realizárase de acordo cos principios de publicidade, transparencia, concorrència, obxectividade, igualdade e non discriminación, coa finalidade de fomentar unha mellor formación do alumnado a través do servizo que poida prestar á Comunidade Universitaria, colaborando en labores que se axusten a determinadas áreas de traballo definidas na presente convocatoria, en réxime de compatibilidade cos seus estudos e iniciándose así en tarefas vinculadas aos mesmos.

En virtude das facultades que lle outorga a Lei orgánica 6/2001, do 21 de decembro, modificada pola Lei 4/2007, do 12 de abril, de universidades e o artigo 58 do Decreto 7/2010, do 14 de xaneiro, polo que se aprobaron os estatutos desta Universidade, esta Reitoría RESOLVE:

1. Anunciar a convocatoria dunha bolsa para a axuda á integración dunha persoa con necesidades educativas especiais (síndrome de Asperger) na Facultade de Ciencias Empresariais e Turismo do Campus de Ourense
2. Ordenar a publicación da devandita convocatoria no rexistro xeral e auxiliares da Universidade de Vigo e nas páxinas web <http://uvigo.es>, apartado bolsas e <http://vicou.uvigo.es/>.

As bolsas solicitaranse no modelo oficial ata o 18 de agosto de 2016 presentando a documentación requirida nos rexistros da Universidade de Vigo ou por calquera outro medio previsto no artigo 38.4 Lei 30/92, de 26 de novembro, modificada pola Lei 4/99 do 13 de xaneiro de réxime xurídico das administracións públicas e do procedemento administrativo común.

Contra esta resolución, que esgota a vía administrativa, poderase interpoñer un recurso perante a xurisdición contencioso administrativa, no prazo de dous meses contados dende o día seguinte á súa publicación, de conformidade co disposto na Lei 29/1998, do 13 de xullo, reguladora da xurisdición contencioso administrativo.

Así e todo, as persoas interesadas poderán optar por interpoñer contra esta resolución un recurso de reposición, no prazo dun mes contado a partir do día seguinte á publicación, perante o mesmo órgano que a ditou. Neste caso, non caberá interpoñer o recurso contencioso administrativo antes mencionado, en tanto non recaia resolución expresa do recurso de reposición, de acordo co disposto na Lei 4/1999, do 13 de xaneiro, que modifica a Lei 30/1992, do 26 de novembro, de réxime xurídico das administracións públicas e do procedemento administrativo común.

Vigo, 29 de xullo de 2016

O reitor

Por delegación (RR 07/05/2014)(DOG 13/05/2014)

O vicerreitor de Extensión Universitaria e Relacións Internacionais

Manuel J. Fernández Iglesias

Dilixencia para facer constar que esta resolución publícase no taboleiro de anuncios do Registro Xeral da Universidade de Vigo, con data de xullo de 2016

O xefe da Área de Bolsas

Francisco Navaza Dafonte



29

BASES DA CONVOCATORIA DUNHA BOLSA PARA A AXUDA Á INTEGRACIÓN DUNHA PERSOA CON NECESIDADES EDUCATIVAS ESPECIAIS (SÍNDROME DE ASPERGER) NA FACULTADE DE CIENCIAS EMPRESARIAIS E TURISMO DO CAMPUS DE OURENSE

1. Obxecto da bolsa

Na Facultade de Ciencias Empresariais e Turismo do campus de Ourense, no grao de Turismo, atópase un alumno con necesidades educativas especiais, que por presentar Síndrome de Asperger require dunha atención especial para a súa mellor integración e aproveitamento académico.

2. Persoas solicitantes

As persoas solicitantes deberán estar matriculadas no curso 2016/17 na Universidade de Vigo na titulación oficial de Grao en Turismo ou, no máster universitario en Dirección e Planificación do Turismo Interior e da Saúde (neste caso tendo cursado o grao que se imparte na Facultade de Ciencias Empresariais e Turismo do campus de Ourense). Deberá manter a condición de alumno durante todo o período de duración da bolsa.

En todo caso os solicitantes, deberán de ter superados o 50% dos créditos dos estudos de grao, enxeñaría, ou licenciatura dos que están matriculados; ou o 100% dos que lle deron acceso ao máster oficial do que están matriculados. O último día de presentación das solicitudes será o que se teña en conta aos efectos de determinar a superación destes créditos.

3. Incompatibilidades

O goce desta bolsa é incompatible con calquera relación laboral ou administrativa pola que se perciban retribucións con cargo dalgunha entidade pública ou privada. Así mesmo, é incompatible coa prestación ou subsidio por desemprego.

Esta bolsa é incompatible con calquera outra bolsa de colaboración ou formación complementaria convocada pola Universidade de Vigo. Ademais, non se poderá gozar dunha bolsa co mesmo obxecto “colaboración ou formación complementaria dos estudantes da Universidade” por un período superior a vinte meses, de forma consecutiva ou descontínua, este límite terase en conta no momento de avaliación dos méritos. O cómputo do tempo da persoa bolseira farase por meses completos, se a bolsa se inicia antes do día 15 ou finaliza despois, incluído este, computarase como un mes enteiro para o cálculo do límite dos vinte meses.

No caso de que a persoa bolseira goce dalgunha bolsa distinta ás axudas ao estudo convocadas polo MECD, deberá solicitar á Vicerreitoría de Extensión Universitaria e Relacións Internacionais a súa compatibilidade. En caso contrario, poderá ser causa de anulación da condición de persoa bolseira ao que se refire esta normativa.

4. Características da bolsa

A persoa bolseira deberá realizar as seguintes funcións:

1. Comprobar o material relacionado cos contidos de aprendizaxe.
2. Realizar as tarefas, os traballos e os procesos de avaliación especificados, así como outras actividades de interese académico e/ou social.
3. Supervisar a axenda persoal da persoa con necesidades educativas especiais.
4. Axudar durante o proceso de desenvolvemento dos coñecementos, en función da/s materia/s concreta/s na que estea matriculada a persoa con necesidades educativas especiais.

5. Prestar as axudas necesarias de mediación cognitiva, seguindo as indicacións e baixo a supervisión da persoa coordinadora do programa,
6. Establecer o apoio necesario para aplicar as competencias adquiridas pola persoa con necesidades educativas especiais á práctica académica e social.
7. Prestar a axuda no uso e no acceso a bases de datos e a documentación para a elaboración de contidos e a realización de traballos de clase.
8. Colaborar, coa persoa con necesidades educativas especiais, no deseño; na organización e na realización dos traballos de clase; así como na aplicación á práctica e/ou na exposición dos traballos de clase.
9. Axudar, á persoa con necesidades educativas especiais, nos procesos de interacción social en relación coas actividades académicas e nos procesos de iniciación ao mundo laboral.
10. Colaborar, coa persoa con necesidades educativas especiais, no acompañamento de actividades no tempo lúdico, así como na xestión e no uso dos tempos e os espazos no centro.
11. Aqueloutras funcións que poidan xurdir como consecuencia da avaliación progresiva das necesidades da persoa con necesidades educativas especiais.

A persoa beneficiaria da bolsa estará baixo a tutoría da persoa coordinadora do programa de apoio que elaborará un informe ao rematar o período de duración da bolsa.

Ao finalizar o período de duración da bolsa e co obxecto de avaliar o período desenvolvido elaborárase un informe sobre a persoa beneficiaria da bolsa.

5. Duración da bolsa

A bolsa terá unha duración máxima de 10 meses. Rematará o 30 de xuño de 2017.

O número máximo de horas de colaboración será de 4 á semana e realizaranse no campus de Ourense.

6. Dotación e pagamento:

A dotación económica bruta mensual máxima da bolsa será de 84,00€ brutos. Estará suxeita á retención por IRPF e as obrigas de cotización á seguridade social (cota obreira) que estableza a normativa vixente nestas materias.

Os fondos destinados a esta acción irán con cargo ás seguintes aplicacións orzamentarias:

- 2016 0000 121D 482.06 o importe do crédito orzamentario retido ascende a 476,96€ (336€ pola dotación bruta da bolsa e 140,96€ en concepto de cota patronal.
- 2017 0000 121D 482.06: o importe do crédito orzamentario retido ascende a 715,44€ (504€ pola dotación bruta da bolsa e 211,44€ en concepto de cota patronal.

O pagamento farase por períodos mensuais vencidos nos primeiros sete días. Retribuiranse as horas realizadas nese período segundo o establecido nesta convocatoria (máximo 5 horas semanais). Para facelo efectivo, a persoa beneficiaria da bolsa debe estar ao corrente coa Universidade nos seus pagos de matrícula.

Se a actividade a desenvolver pola persoa bolseira en cada mes non se adecúa ás condicións fixadas nesta convocatoria e para poder adecuar o pago á actividade real realizada, á persoa coordinadora emitirá un informe no que fará constar a actividade realizada nese período e achegarao á Área de Bolsas antes do día 25 do mes en curso. Este informe pode ser tido en conta en futuras convocatorias.

A dedicación de cada bolseiro e bolseira debe adecuarse á súa carga lectiva. O/a bolseiro/a poderá distribuír e compensar ata un máximo do 20% das horas de dedicación dun mes entre as distintas semanas dentro do mesmo mes.

7. Prazo de presentación das solicitudes e documentos

As persoas solicitudes deberán cubrir o modelo oficial (véxase o anexo I). A solicitude presentarase dende o día seguinte a publicación desta convocatoria ata o **18 de agosto de 2016**.

O impreso de solicitude atoparase nos servizos administrativos da Facultade de Ciencias Empresariais e Turismo de Ourense, na Área de Servizos á Comunidade do Campus de Ourense (edificio administrativo), e na páxina web: <http://vicou.uvigo.es/>

A solicitude presentarase no rexistro xeral ou nos rexistros auxiliares da Universidade de Vigo ou en calquera dos lugares previstos no artigo 38.4 da Lei 30/92, de 26 de novembro, modificada pola Lei 4/1999 de 13 de xaneiro, de Réxime Xurídico das administracións Públicas e do Procedemento Administrativo Común.

Xunto coa solicitude deberase presentar a seguinte documentación:

- Fotocopia do NIF, NIE, pasaporte en vigor
- Fotocopia Documento de afiliación á Seguridade Social.
- Certificación académica persoal dos estudos realizados, no caso de que se realizasen fora da Uvigo.
- Declaración xurada de compromiso de matrícula para o curso 2016/2017, no caso de non tela formalizada no momento da presentación da solicitude.
- O currículo, indicarse a formación e as actividades realizadas que considere de interese para o desenvolvemento da bolsa con documentos acreditativos dos méritos alegados.
- Solicitude de compatibilidade coa bolsa no caso de que o alumnado teña concedida unha bolsa distinta ás axudas ao estudo convocadas polo MEC.
- A ficha persoal de pagamento (Anexo II).

As persoas solicitantes tamén se lles poderán requirir que acheguen aqueles outros documentos que fosen precisos para aclarar os datos necesarios para o outorgamento da axuda.

Os datos persoais recollidos na solicitude teñen carácter obrigatorio e serán tratados pola Universidade de Vigo para a organización da docencia e o estudo, así como para o exercicio das funcións propias do servizo público de educación superior, reguladas na Lei orgánica de universidades e nos Estatutos da Universidade.

A persoa solicitante está de acordo en que os seus datos persoais sexan recollidos, tratados e, de ser o caso, cedidos para os seguintes fins: a xestión administrativa e académica do seu expediente; a oferta e a presentación de servizos universitarios; a realización de estatísticas, proxectos de investigación, avaliacións e enquisas; o seguimento dos servizos universitarios prestados; así como, a realización de accións destinadas ao fomento do emprego e as prácticas en empresas.

O responsable do tratamento destes datos é a Universidade de Vigo. Os dereitos de acceso, rectificación, cancelación e oposición ao seu tratamento exercitarase ante a Universidade de Vigo no seguinte enderezo: Edificio Xerencia-Servizos Centrais, campus universitario s/n, 36310 Vigo (Pontevedra), de acordo co establecido na Lei orgánica 15/1999, do 13 de decembro, de protección de datos de carácter persoal.

8. Selección

Unha vez recibidas as solicitudes, a Área de Bolsas, comprobará que cumpren os requisitos básicos da convocatoria e publicará a listaxe de persoas admitidas e excluídas provisional, indicando, de ser o caso, os motivos de exclusión. Daralles un prazo de **cinco días hábiles** para emendar os erros e achegar a documentación requirida, advertíndoselles ás persoas solicitantes que, no caso de non facelo, se lles dará por desistidos neste proceso.

Unha vez emendados os erros, a Área de Bolsas elaborará e publicará a listaxe de persoas admitidas e excluídas definitiva, indicando o motivo de exclusión de ser o caso.

O proceso de selección farase por unha comisión de valoración designada polo Vicerreitor de Extensión Universitaria e Relacións Internacionais que estará formada por:

- O Vicerreitor de Extensión Universitaria e Relacións Internacionais ou persoa en quen delegue, que actuará como presidente.
- A Decana da Facultade de Ciencias Empresariais e Turismo, ou persoa en quen delegue
- O Xefe de Servizo de Extensión Universitaria.

- A Xefa de Sección de Extensión Universitaria.
- Un docente experto nesta temática. (Síndrome de Asperger)

A Comisión de avaliación procederá a valorar as candidaturas tomando como base os seguintes criterios e baremos:

1. Media do expediente académico nos estudos da titulación que está cursando, o alumnado que inicie estudos de máster tomarase a nota da titulación que lle de acceso: ata 3 puntos.
2. Haber cursado anteriormente materias nas que se vaia a matricular o alumno obxecto do apoio durante o curso 2016/2017. Ata 4 puntos.
3. Outros méritos relacionados coa formación en ámbitos similares ás actividades a desenvolver como (experiencia con persoas con trastornos similares, prácticas desenvolvidas neste ámbito, experiencia en tarefas de apoio á integración, etc...) ata 3 puntos.

Rematado o proceso de selección a Comisión e remitidos os acordos, á Área de Bolsas publicará os mesmos e a resolución provisional das persoas seleccionadas e denegadas xunto cos motivos e a listaxe de agarda. As persoas interesadas, disporán dun prazo de cinco días hábiles, que contarán dende o día seguinte a publicación, para presentar as alegacións que consideren.

Unha vez revisadas as alegacións pola Comisión e remitidos os acordos correspondentes, a Área de Bolsas elaborará e publicará a resolución definitiva de bolsas concedidas, as denegadas xunto cos seus motivos e a listaxe de agarda por orde de maior a menor puntuación que se usará para cubrir as posibles renuncias que se poidan producir.

Todas as listaxes e resolucións ás que se refire este punto publicaranse nos taboleiros da Vicerreitoría de Extensión Universitaria e Relacións Internacionais, no rexistro xeral e nos rexistros auxiliares da Universidade de Vigo, e na páxina web da Universidade.

9. Obrigas das persoas beneficiarias

A persoa adxudicataria da bolsa queda obrigada a:

- Estar matriculada no curso académico 2016-2017 no grao de Turismo o no máster correspondente no campus de Ourense da Universidade de Vigo.
- Colaborar coa Facultade de Ciencias Empresariais e Turismo e a Vicerreitoría de Extensión Universitaria e Relacións Internacionais e en todo canto sexa necesario para levar adiante esta axuda.
- Comunicar os cambios que se produzan nas condicións iniciais de concesión da bolsa.
- Estar baixo a tutoría dos coordinadores do programa de apoio indicado no punto 1 destas bases.
- Comunicar todas aquelas bolsas distintas ás axudas ao estudo convocadas polo MECD, que o alumnado teña concedida.

10. Revogación da axuda

A concesión destas bolsas pode ser revogada polos seguintes motivos e suporá que a persoa beneficiaria reintegre as cantidades incorrectamente aboadas:

- Incumprimento das obrigas especificadas nesta convocatoria no punto 9.
- Pola perda da condición de universitario/a, durante todo o período de goce da bolsa.
- Ocultación de datos, a súa alteración ou calquera manipulación da información solicitada.
- Incorrer nalgunha das causas de incompatibilidades establecidas na convocatoria (punto 3).
- O incumprimento do desenvolvemento das actividades propias da bolsa, previa tramitación de expediente contradictorio, que se iniciará, de ser o caso, mediante informe desfavorable da tutoría.

11. Disposicións adicionais

Todas as dúbidas que poidan xurdir na interpretación destas normas serán resoltas polo vicerreitor de Extensión Universitaria e Relacións Internacionais.

Calquera reclamación ou queixa que queira presentar un bolseiro ou bolseira farase chegar ao vicerreitor de Extensión Universitaria e Relacións Internacionais a través da persoa coordinadora.

O desfrute da bolsa suporá a aceptación do previsto no Real Decreto 1493/2011, de 24 de outubro, por el que se regulan los términos y las condiciones de inclusión en el *Régimen General de la Seguridad Social de las personas que participen en programas de formación...* publicado no BOE do 27 de outubro, respecto á alta na Seguridade Social.

Os bolseiros/as non adquieren ningunha relación contractual administrativa ou estatutaria coa Universidade de Vigo, nin a bolsa implica compromiso en canto á posterior incorporación dos interesados/as aos cadros de persoal da Universidade.

ANEXO I: Impreso de solicitude

CONVOCATORIA DUNHA BOLSA DE AXUDA Á INTEGRACIÓN DUNHA PERSOA CON NECESIDADES EDUCATIVAS ESPECIAIS (SÍNDROME DE ASPERGER) NA FACULTADE DE CIENCIAS EMPRESARIAIS E TURISMO DE OURENSE

Datos do/a estudante			
Apelidos		Data de nacemento	
Nome		DNI	
Nacionalidade			
Enderezo Permanente:		Enderezo durante o curso 2016-17:	
Localidade - Prov.:		Localidade - Prov:	
CP:		CP:	Válido ata:
Teléfonos de contacto:			
E-mail:			

Documentación obrigatoria
- Fotocopia do NIF, NIE ou pasaporte en vigor. - Fotocopia documento de afiliación á Seguridade Social. - Certificación académica persoal dos estudos realizados fora da Uvigo. - Declaración xurada de compromiso de matrícula para o curso 2016/2017; no caso de non ter formalizada a matrícula nos estudos indicados na base 2 da presente convocatoria. - Currículo, indicando a formación e as actividades realizadas que considere de interese para o desenvolvemento da bolsa con documentos acreditativos dos méritos alegados. - Solicitude de compatibilidade coa bolsa. Só no caso de que o alumnado teña concedida unha bolsa distinta ás axudas ao estudo convocadas polo MECID.) - Ficha persoal de pagamentos (Anexo II). - Declaración xurada de veracidade dos datos achegados (Anexo III)

Asdo:

VICERREITOR DE EXTENSIÓN UNIVERSITARIA E RELACIÓNS INTERNACIONAIS

ANEXO III

DECLARACIÓN XURADA

Don/Dona, con DNI, xura pola súa honra que todos os datos que manifesta neste escrito son verdadeiros e se compromete a achegar os documentos que así o acrediten, e entende que coñece todos os termos da convocatoria onde se expresa que a ocultación ou falsidade de documentos leva aparellada a perda de todo dereito para presentarse a esta convocatoria.

Lugar e data:

Asinado: